

Pänz, Pänz, Pänz

Originaltext (Dance, Dance, Dance) und Musik: Neil Young
Kölscher Text: Hartmut Prieß (Orthographie angepasst)¹

- 1 Spille mer em Huus oder och em Keller,
 et es ganz egal, wie mer et mäht.
 Ov mer sich no zänk oder leis deit schwaade,
 kütt dann ganz bestemmp einer, dä säht:

Refrain:

Pänz, Pänz, wo mer geht un steiht
nor Pänz, Pänz, Pänz.
Maht üch fott, hee hat ehr nix verlore,
ehr verdammte Pänz,
ehr verdammte Pänz!

- 2 Spille mer em Park, en de Grönaanlage,
 schmieße decke Stein en der Rhing eren.
 Jo, do bruche mir gar nit lang ze waade,
 un et kütt vun boven widder die Stemm:

Refrain:

Pänz, Pänz, wo mer geht un steiht
nor Pänz, Pänz, Pänz.
Maht üch fott, hee hat ehr nix verlore,
ehr verdammte Pänz,
ehr verdammte Pänz!

- 3 Eimol em Johr ävver es et anders,
 wenn der Papp der hellige Mann mäht.
 Dann sin mir die leevste Pänz op Ääde
 un et gitt kei Minsch, dä för uns säht:

Refrain:

Pänz, Pänz, wo mer geht un steiht
nor Pänz, Pänz, Pänz.
Maht üch fott, hee hat ehr nix verlore,
ehr verdammte Pänz,
ehr verdammte Pänz!

¹ nach den Richtlinien der Rechtschreibung der Akademie für uns kölsche Sproch 2007